



SLUŽBENE NOVINE

KANTONA SARAJEVO

Godina V - Broj 24

Ponedjeljak, 13. novembra 2000.
godine
SARAJEVO

Akontacija
pretplate
za II polugodište 2000:
KM 60.-

KANTON SARAJEVO

Skupština Kantona Sarajevo

Na osnovu člana 12. stav 1. tačka b) i člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00), čl. 6., 53. i 58. stav 2. i člana 59. stav 1. Zakona o ustanovama ("Službeni list RBiH", br. 6/92, 8/93 i 13/94) i člana 1. stav 2. i člana 111. stav 2. Zakona o visokom obrazovanju ("Službene novine Kantona Sarajevo", br. 17/99 i 14/2000), Skupština Kantona Sarajevo, na sjednici održanoj 9. novembra 2000. godine, donijela je

ODLUKU

O PREUZIMANJU PRAVA OSNIVAČA JAVNE USTANOVE STUDENTSKI CENTAR SARAJEVO U DIJELU KOJIM OBEZBJEĐUJE ŽIVOTNI STANDARD STUDENATA

Član 1.

Skupština Kantona Sarajevo preuzima prava osnivača Javne ustanove Studentski centar Sarajevo u dijelu kojim obezbjeđuje životni standard studenata.

Javna ustanova iz prethodnog stava nastavlja sa radom u sastavu Javne ustanove Univerzitet u Sarajevu.

Član 2.

Naziv Javne ustanove je: "Studentski centar".

Sjedište Javne ustanove "Studentski centar" je u Sarajevu, ulica Radićeva broj 6.

Član 3.

Javna ustanova "Studentski centar" (u daljem tekstu: Studentski centar) ima svojstvo pravnog lica.

Član 4.

Za svoje obaveze Studentski centar odgovara sredstvima kojima raspolaže i svom svojom imovinom - potpuna odgovornost.

Član 5.

Osnovna djelatnost Studentskog centra je:

80.302 Studentski domovi (centri),

55.515.510 Kantine/menze.

Član 6.

Osnivač je saglasan da Studentski centar može obavljati i druge djelatnosti u cilju stvaranja uslova za potpunije ostvarivanje djelatnosti iz člana 5. ove odluke i poboljšanje životnog standarda studenata, sniženje cijene smještaja i ishrane studenata, investicionog i tekućeg održavanja objekata i opreme i nabavke opreme i uređaja, i to:

45.3145.310 Elektroinstalacioni radovi,

45.3345.330 Postavljanje instalacija za vodu, gas, grijanje, ventilaciju i hlađenje,

45.4345.340 Ostali instalacioni radovi,

45.4245.420 Ugradnja stolarije,

45.4345.430 Postavljanje podnih i zidnih obloga,

45.4445.440 Farbarski i staklarski radovi,

45.4545.450 Ostali završni radovi,

52.2050.200 Održavanje i popravak motornih vozila,

52.2752.270 Ostala trgovina na malo hranom, pićem i duhan-

skim proizvodima u specijalizovanim prodavnicama,

52.3352.330 Trgovina na malo kozmetičkim i toaletnim proizvodima,

52.442 Trgovina na malo opremom za rasvjetu i predmetima za domaćinstvo, d.n.

52.4752.470 Trgovina na malo knjigama, novinama, časopisima, papirnatom robom i pisaćim priborom,

52.7452.740 Popravci, d. n.,

55.2155.210 Omladinski hoteli i planinarski domovi,

55.3055.300 Restorani,

55.4055.400 Barovi,

70.2070.200 Iznajmljivanje vlastitih nekretnina,

74.5074.500 Agencija za zapošljavanje i posredovanje radne snage,
93.0193.010 Pranje i hemijsko čišćenje tekstila i krznenih proizvoda.

Član 7.

Danom stupanja na snagu ove odluke Studentski centar preuzima objekte i opremu na korištenje i prava i obaveze Javne ustanove Studentski centar Sarajevo u dijelu iz člana 1. ove odluke.

Objekti i oprema Studentskog centra iz stava 1. ovog člana imovina su Kantona.

Član 8.

Sredstva za rad Studentski centar ostvaruje:

1. naplatom usluga smještaja i ishrane studenata,
2. naplatom usluga koje Studentski centar pruža drugim fizičkim i pravnim licima iz registrovane djelatnosti,
3. putem mjesečnih dotacija iz Budžeta Kantona, u toku kalendarske godine, u iznosu od 43,6% bruto troškova zaposlenih angažovanih na poslovima smještaja i ishrane studenata i
4. drugih izvora u skladu sa zakonom.

Cjenovnik usluga donosi organ upravljanja Studentskog centra, odnosno zakonom ovlašteni organ.

Saglasnost na cjenovnik usluga iz tačke 1. stav 1. ovog člana daje Vlada Kantona (u daljem tekstu: Vlada).

Član 9.

Međusobna prava i obaveza između osnivača i Studentskog centra koja nisu regulisana ovom odlukom utvrdit će se ugovorom.

Član 10.

Višak prihoda nad rashodima Studentski centar koristi za sniženje cijene usluge smještaja i ishrane studenata, poboljšanje studentskog standarda u cjelini i za obnavljanje i razvoj djelatnosti.

Član 11.

Organ upravljanja Studentskim centrom je Upravni odbor.

Upravni odbor ima predsjednika i četiri člana, a sačinjavaju ga jedan predstavnik osnivača, jedan predstavnik Ministarstva obrazovanja, nauke i informisanja Kantona Sarajevo (u daljem tekstu: Ministarstvo), jedan predstavnik Univerziteta u Sarajevu i dva predstavnika zaposlenika Studentskog centra.

Predsjednika i članove Upravnog odbora imenuje i razrješava Vlada.

Član 12.

Organ rukovođenja Studentskim centrom je direktor.

Direktora imenuje i razrješava Upravni odbor.

Direktor se imenuje na osnovu javnog konkursa, koji se objavljuje u dnevnoj štampi.

Saglasnost na imenovanje direktora daje Vlada.

Član 13.

Organ kontrole poslovanja Studentskog centra je Nadzorni odbor.

Nadzorni odbor ima predsjednika i dva člana.

Predsjednika i članove Nadzornog odbora imenuje i razrješava Vlada.

Član 14.

Upravni odbor Studentskog centra uskladit će Pravila Studentskog centra, akt o unutrašnjoj organizaciji i sistematizaciji radnih mjesta Studentskog centra i druga opća akta u roku od 60 dana od dana stupanja na snagu ove odluke.

Saglasnost na Pravila i akt o unutrašnjoj organizaciji i sistematizaciji radnih mjesta iz prethodnog stava ovog člana daje Ministarstvo.

Član 15.

Radnici Studentskog centra ostvaruju svoja prava u skladu sa zakonom, Pravilima Studentskog centra, kolektivnim ugovorom i drugim općim aktima Studentskog centra.

Član 16.

Nadzor nad zakonitošću rada Studentskog centra vrši Ministarstvo.

Član 17.

Do imenovanja direktora Studentskog centra, poslove direktora obavljat će Igbala Bogunić, vršilac dužnosti direktora Studentskog centra, sa svim pravima i odgovornostima direktora.

Član 18.

Na osnovu ove odluke izvršit će se upis Studentskog centra u sudski registar i posebne registre ustanova.

Danom upisa Studentskog centra u sudski registar, briše se iz sudskog registra Radna organizacija Studentski centar u Sarajevu.

Član 19.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-38-326/00

9. novembra 2000. godine
Sarajevo

Predsjedavajuća

Skupštine Kantona Sarajevo
Dženana Zlatar, s. r.

Na osnovu člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97 i 14/00) i člana 5. Zakona o fondacijama i zakladama ("Službene novine Federacije BiH", broj 16/98), Skupština Kantona Sarajevo, na sjednici od 9. novembra 2000. godine, donijela je

ZAKON

O FONDACIJAMA I ZAKLADAMA

I - OSNOVNE ODREDBE

Član 1.

Ovim zakonom uređuju se: osnivanje, djelatnost, upravljanje, organizacija i prestanak fondacija i zaklada od značaja za

R BiH", broj 6/92, 8/93 i 13/94) Skupština Kantona Sarajevo, na sjednici od 20. jula 2006. godine, donijela je

ODLUKU

O IZMJENAMA I DOPUNAMA ODLUKE O PREUZIMANJU PRAVA OSNIVAČA JAVNE USTANOVE STUDENTSKI CENTAR SARAJEVO U DIJELU KOJIM OBEZBJEĐUJE ŽIVOTNI STANDARD STUDENATA

Član 1.

U Odluci o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata ("Službene novine Kantona Sarajevo, broj 24/00) u članu 2. stav (2.) mijenja se i glasi:

"(2) Sjedište Javne ustanove "Studentski centar" je u Sarajevu, ulica Podgaj broj 6."

Član 2.

Član 11. mijenja se i glasi:

"Član 11.

(1) Organ upravljanja Studentskim centrom je Upravni odbor, koji ima 5 (pet) članova.

(2) Predsjednika i članove Upravnog odbora imenuje Vlada Kantona i to na način što će se primijeniti kriteriji da Upravni odbor sačinjavaju jedan predstavnik Univerziteta u Sarajevu, dva predstavnika uposlenika Studentskog centra i dva predstavnika Ministarstva obrazovanja i nauke Kantona Sarajevo (u daljem tekstu: Ministarstvo).

(3) Predsjednika i članove Upravnog odbora imenuje i razrješava Vlada."

Član 3.

Član 13 mijenja se i glasi:

"Član 13.

(1) Organ kontrole poslovanja Studentskog centra je Nadzorni odbor, koji ima 3 (tri) člana.

(2) Jedan član Nadzornog odbora imenuje se iz reda stručnih uposlenika u skladu sa Pravilima, a dva člana Nadzornog odbora uključujući i predsjednika predlaže Ministarstvo.

(3) Predsjednika i članove Nadzornog odbora imenuje i razrješava Vlada."

Član 4.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-23234/06
20. jula 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 12. tačka b. i člana 18. tačka b. Ustava Kantona Sarajevo ("Službene novine Kantona Sarajevo", broj 1/96, 2/96 - Ispravka, 3/96 - Ispravka, 16/97, 14/00, 4/01 i 28/04), člana 3. Zakona o ustanovama ("Službeni list R BiH", broj 6/92, 8/93 i 13/94), članova 10. i 12. Zakona o osnovnom odgoju i obrazovanju ("Službene novine Kantona Sarajevo", broj 10/04), Skupština Kantona Sarajevo, na sjednici od 20. jula 2006. godine, donijela je

ODLUKU

O UTVRĐIVANJU POSTOJANJA JAVNOG INTERESA ZA OSNIVANJE JAVNE USTANOVE OSNOVNA ŠKOLA "SOKOLJE"

Član 1.

Utvrđuje se postojanje javnog interesa za osnivanje Javne ustanove Osnovna škola "SOKOLJE", na osnovu Elaborata o opravdanosti osnivanja Javne ustanove Osnovna škola "SOKOLJE".

Član 2.

Elaborat iz člana 1. Odluke sastavni je dio ove Odluke.

Član 3.

Odluka iz člana 1. stupa na snagu danom donošenja i objavit će se u "Službenim novinama Kantona Sarajevo".

Broj 01-05-23232/06
20. jula 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

ODLUKU**O IZMJENAMA ODLUKE O PREUZIMANJU PRAVA
OSNIVAČA JAVNE USTANOVE STUDENTSKI
CENTAR SARAJEVO U DIJELU KOJIM
OBEZBJEĐUJE ŽIVOTNI STANDARD STUDENATA**

Član 1.

U Odluci o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata ("Službene novine Kantona Sarajevo", br. 24/00 i 21/06) član 6. mijenja se i glasi:

"Član 6.

Osnivač je saglasan da Javna ustanova "Studentski centar" Sarajevo može obavljati i druge djelatnosti u cilju stvaranja uslova za potpunije ostvarivanje djelatnosti iz člana 5. ove Odluke i poboljšanje životnog standarda studenata, sniženje cijene smještaja i ishrane studenata, investicijskog i tekućeg održavanja objekata i opreme i nabavka opreme i uređaja i to sa važećim šiframa djelatnosti koje glase:

| Šifra | Naziv |
|-------|--|
| 43.21 | Elektroinstalacijski radovi |
| 43.22 | Uvođenje instalacija vodovoda, kanalizacije i plina i instalacije za grijanje i klimatizaciju |
| 43.29 | Ostali građevinski instalacijski radovi |
| 43.32 | Ugradnja stolarije |
| 43.34 | Bojenje i staklarski radovi |
| 43.39 | Ostali završni građevinski radovi |
| 43.99 | Ostale specijalizirane građevinske djelatnosti, d.n |
| 45.20 | Održavanje i popravak motornih vozila |
| 47.21 | Trgovina na malo voćem i povrćem u specijaliziranim prodavnicama |
| 47.29 | Ostala trgovina na malo prehrambenim proizvodima u specijaliziranim prodavnicama |
| 47.59 | Trgovina na malo namještajem, opremom za rasvjetu i ostalim proizvodima za domaćinstvo u specijaliziranim prodavnicama |
| 47.61 | Trgovina na malo knjigama u specijaliziranim prodavnicama |
| 47.62 | Trgovina na malo novinama, papirnom robom i pisaćim priborom u specijaliziranim prodavnicama |
| 47.75 | Trgovina na malo kozmetičkim i toaletnim proizvodima u specijaliziranim prodavnicama |
| 55.20 | Odmarališta i slični objekti za kraći odmor |
| 55.30 | Kampovi i prostori za kampiranje |
| 55.90 | Ostali smještaj |
| 56.10 | Djelatnosti restorana i ostalih objekata za pripremu i usluživanje hrane |
| 56.29 | Ostale djelatnosti pripreme i usluživanja hrane |
| 56.30 | Djelatnosti pripreme i usluživanja pića |
| 68.20 | Iznajmljivanje i upravljanje vlastitim nekretninama ili nekretninama uzetim u zakup (leasing) |
| 78.20 | Djelatnosti agencija za privremeno zapošljavanje |
| 95.12 | Popravak komunikacijske opreme |
| 95.29 | Popravak ostalih predmeta za ličnu upotrebu i domaćinstvo |
| 96.01 | Pranje i hemijsko čišćenje tekstila i krznenih proizvoda |

Član 2.

Ovlašćuje se Zakonodavno-pravna komisija Skupštine Kantona Sarajevo da utvrdi prečišćeni tekst Odluke o preuzimanju prava osnivača Javne ustanove Studentski centar Sarajevo u dijelu kojim obezbjeđuje životni standard studenata.

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

| | |
|---------------------------|----------------------------|
| Broj 01-05-29758/15 | Predsjedavajući |
| 12. novembra 2015. godine | Skupštine Kantona Sarajevo |
| Sarajevo | Sejo Bukva, s. r. |

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), te člana 26. stav (2) Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Skupština Kantona Sarajevo, na sjednici održanoj dana 12.11.2015. godine, donijela je

ODLUKU**O IZMJEI ODLUKE O IMENOVANJU ČLANOVA
VIJEĆA NACIONALNIH MANJINA
KANTONA SARAJEVO**

I

U Odluci o imenovanju Vijeća nacionalnih manjina Kantona Sarajevo ("Službene novine Kantona Sarajevo", br. 13/12, 29/12, 42/12, 45/13 i 29/15), u tački III, alineja 9. mijenja se i glasi:

"9. Hikmet Šlaki, predstavnik Albanske nacionalne manjine,"

II

Ova odluka stupa na snagu osmog dana od dana objavljivanja u "Službenim novinama Kantona Sarajevo".

| | |
|---------------------------|----------------------------|
| Broj 01-05-29760/15 | Predsjedavajući |
| 12. novembra 2015. godine | Skupštine Kantona Sarajevo |
| Sarajevo | Sejo Bukva, s. r. |

Vlada Kantona Sarajevo

Na osnovu člana 61. stav (1) Zakona o budžetima u Federaciji Bosne i Hercegovine ("Službene novine Federacije BiH", br. 102/13 i 09/14 - Ispravka; 13/14 i 8/15), člana 10. st. (1), (3), (5) i (6) Zakona o izvršavanju budžeta Kantona Sarajevo za 2015. godinu ("Službene novine Kantona Sarajevo", broj 13/15 i 35/15), tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 13. vanrednoj sjednici održanoj 13.11.2015. godine, donijela je

ODLUKU**O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA KANTONA SARAJEVO
ZA 2015. GODINU**

I

Iz Tekuće rezerve Budžeta Kantona Sarajevo za 2015. godinu ("Službene novine Kantona Sarajevo", broj 13/15 i 35/15), ekonomski kod 600000 odobrava se izdvajanje sredstava Kabinetu Premijera, razdjel 11010001 na ekonomski kod 615100 Kapitalni transferi drugim nivoima vlasti, iznos od 10.000 KM.